



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Paula Ares Otero, Secretaria-Interventora do Concello de Lousame (A Coruña) do que é Alcalde don Esteban Ares García

CERTIFICA: Que o **Pleno Corporativo**, na **sesión ordinaria** que tivo lugar o día **29 de xaneiro do 2026**, adoptou o seguinte **acordo**, que se transcribe dun xeito literal, salvo erro ou omisión involuntarias:

6- MODIFICACIÓN DO RÉXIME DE ASIGNACIÓNS AOS GPM PARA A SÚA ADAPTACIÓN AO ORZAMENTO 2026.

En consecuencia, o Pleno Corporativo, por dez (10) votos a favor (emitidos polos concelleiros/as dos GPM do PP e PSdG-PSOE) e unha (1) abstención (emitida polo Grupo Mixto), sendo once (11) o seu número legal de membros, e polo tanto co quórum da maioría absoluta, adopta o seguinte acordo:

<<A Corporación para o mandato 2023-2027, quedou constituída en virtude da sesión constitutiva que tivo lugar o 7 de xullo de 2023, como consecuencia das eleccións locais convocadas polo Real Decreto 207/2023, do 3 de abril (BOE do 4 de abril), na que resultou elixida como Alcaldesa, dona M^a Teresa Villaverde Pais.

Na sesión plenaria organizativa que tivo lugar o día 12/07/2023, no relativo á asignación aos grupos políticos municipais, o Pleno Corporativo acordou:

Terceiro: Acordar as seguintes asignacións a favor dos diferentes Grupos Políticos Municipais do mandato 2023-2027, que serán reguladas a través dunha nova Base de Execución Orzamentaria, co número 39 bis:

→ Achegas aos Grupos Políticos Municipais (aplicable ao mandato corporativo 2023-2027)

1. As dotacións económicas para os grupos políticos municipais (GPM), conforme co establecido no artigo 73.3 da Lei 7/1985, do 2 de abril, reguladora das Bases do Réxime Local, constarán dun compoñente fixo, idéntico para cada un dos grupos, e outro variable en función do número de membros de cada un deles. Así, aos GPM legalmente constituídos, e para o funcionamento dos mesmos, correspóndelles as seguintes asignacións económicas mensuais:

- Compoñente fixo da asignación: 30 euros por Grupo político municipal.
- Compoñente variable da asignación: 40 euros por Concelleiro integrante do Grupo.

2. Esta transferencia pagarase, previa solicitude, trimestralmente, semestralmente ou anualmente; segundo a preferencia manifestada por cada Grupo Político Municipal; e sempre co carácter de mes vencido, isto é, non se transferirán os fondos con carácter previo á súa vindicación. Queda exceptuada da regra anterior a transferencia relativa ao mes de decembro do ano natural, que será aprobada e pagada na propia mensuralidade, para respectar o principio de anualidade orzamentaria.

3. Estas dotacións cumprirán os seguintes requisitos:

- Non poden destinarse ao pagamento de remuneracións de persoal de calquera tipo ao servizo da Corporación ou á adquisición de bens que poidan constituír activos fixos de carácter patrimonial.
- Ingresaranse en conta aberta a nome dos Grupos Políticos Municipais, na entidade bancaria que sinalen ao efecto.



4. Os Grupos Políticos Municipais deberán levar unha contabilidade específica da asignación recibida, que deberán poñer a disposición do Pleno Corporativo cando este así o requira. Ademais, deberán xustificar a aplicación das contías recibidas no primeiro trimestre natural do ano seguinte ao que se refiran. Para isto, deberán remitir á Intervención Municipal unha relación dos gastos realizados con cargo á asignación, coa súa descrición e a documentación xustificativa correspondente, que será posta a disposición do Pleno Corporativo. As cantidades non aplicadas ou incorrectamente aplicadas, serán obxecto de reintegro.

Estas asignacións mantivéronse vixentes durante os exercicios orzamentarios 2024 e 2025, estando reguladas nas Bases de Execución dos orzamentos de cada un deses exercicios, e contando con dotación orzamentaria específica.

Logo da renuncia ao cargo de Alcaldesa efectuada por D^a M^a Teresa Villaverde Pais, da que se tomou coñecemento, na sesión plenaria do día 16/09/2025, procedeuse á elección da nova Alcaldía para o restante mandato Corporativo, na sesión plenaria do día 18/09/2025. Tras estes cambios, é procedente determinar un novo réxime de organización e funcionamento do Concello de Lousame.

O establecemento destas asignacións é facultativo, tal e como sinala o artigo 73.3 da Lei 7/1985, do 2 de abril, reguladora das bases do réxime local: "El Pleno de la corporación, con cargo a los Presupuestos anuales de la misma, podrá asignar a los grupos políticos una dotación económica"

No Orzamento 2026 (aprobado inicialmente na sesión plenaria do día 26/12/2025, actualmente en período de información pública) elimínanse as asignacións aos grupos políticos municipais, do seguinte xeito:

- Non existe dotación orzamentaria específica na aplicación 912.48000
- Nas Bases de Execución do Orzamento sinálase:

BASE 39. Achegas aos Grupos Políticos Municipais

Non se contemplan créditos para esta finalidade.

Á vista do anterior, o Pleno Corporativo **ACORDA**:

Primeiro: Coa entrada en vigor do Orzamento 2026, deixar sen efecto o acordo do Pleno Corporativo adoptado na sesión organizativa do día 12/07/2023, relativo á asignación aos grupos políticos municipais.

Segundo: Publicar este acordo para xeral coñecemento de toda a cidadanía>>

E para que así conste, e aos efectos oportunos, emítese o presente, co visto e praxe da Alcaldía, en Lousame na data da sinatura dixital

O Alcalde, Esteban Ares García

A Secretaria-Interventora, Paula Ares Otero